

ბაობაბი



გაიხსენე, რომელი ხეები იზრდება აფრიკაში. რომელი მათგანია განსაკუთრებული? წაიკითხე ტექსტი და გაეცანი ერთ-ერთ ასეთ ხეს.

ბაობაბი აფრიკასა და ავსტრალიაში იზრდება. ის უცნაური ხეა. შეხედავ და მინაში უკულმა ჩაფლული გეგონება. მისი ტოტები ზემოთ აწეულ ფესვებს ჰგავს. ხის სიმაღლე 30-40 მეტრია. ბაობაბს მსხვილი ტანი აქვს. აქ ის წყალს აგროვებს. ზოგი მათგანი ფორმით ჩაიდანს ჰგავს, ზოგი – ბოთლს. ისხამს ნესვის მსგავს ნაყოფს. ბაობაბი ძალიან დიდხანს ცოცხლობს.

ამ ხის შესახებ არაერთი ლეგენდა არსებობს. ერთ-ერთის მიხედვით, ბაობაბი ძალიან სწრაფად იზრდებოდა. ამის შესაჩერებლად ღმერთმა ხე თავდაყირა გადარგო. მეორე ლეგენდის მიხედვით, ღმერთმა მხეცებს ხეების თესლები დაურიგა. ბაო-

ბაბის თესლი აფთარს ერგო. ეწყინა აფთარს ეს. მან თესლი უკულმა ჩააგდო მინაში. ამიტომ გაიზარდა ბაობაბი უკულმა.

ბაობაბს ბევრ რამეში იყენებენ. მისი ქერქისგან ამზადებენ ბადეს, თოქს. ხის ფოთლებს, თესლსა და ნაყოფს ჭამენ. მისგან ასევე ამზადებენ საპონს, ნებოს, რეზინს, წამალს. ამიტომ უყვართ ბაობაბი აფრიკასა და ავსტრალიაში.

შენი აზრით, რატომ შეიქმნა ლეგენდები ბაობაბზე?



ტექსტის გაგება

ყოველ შეკითხვას შეურჩიე თითო სწორი პასუხი.

1 რომელი წინადადება გადმოსცემს მოსაზრებას?

- ა) ბაობაბის შესახებ არსებობს რამდენიმე უცნაური ლეგენდა.
- ბ) ლეგენდა ბაობაბის შესახებ, ალბათ, არ შეესაბამება სინამდვილეს.
- გ) ცნობილია, რომ აფრიკასა და ავსტრალიაში ძალიან უყვართ ბაობაბი.

2 რომელი წინადადება გადმოსცემს ფაქტს ბაობაბის აგებული შესახებ?

- ა) ბაობაბი აფრიკაში იზრდება და ძალიან დიდხანს ცოცხლობს.
- ბ) ბაობაბის ტოტები ზემოთ აწეულ ფესვებს ჰგავს.
- გ) ბაობაბის ქერქისგან ამზადებენ თოქსა და ბადეს.

3 ტექსტში გამოთქმულია მოსაზრება იმის შესახებ, თუ:

- ა) რამდენ ხანს ცოცხლობს ბაობაბი.
- ბ) რა მზადდება ბაობაბის ქერქისგან.
- გ) რატომ აქვს ბაობაბს უცნაური ფორმა.

4 ტექსტში არ ჩანს:

- ა) ბაობაბის რომელ ნაწილს იყენებენ საჭმელად.
- ბ) რატომ ადარებენ ბაობაბს ამოყირავებულ ხეს.
- გ) როგორ ახერხებენ ბაობაბის ასაკის დადგენას.



ლექსიკა

1 გაარკვევ ხაზგასმული სიტყვის მნიშვნელობა.

ბაობაბი თითქოს უკულმა არის მინაში **ჩაფლული**.

- ა) ამოსული. ბ) გაზრდილი. გ) ჩარგული.

2 შეაერთე ხაზებით სიტყვები და მათი მნიშვნელობები.

- | | |
|------------|--|
| 1. ფორმა | ხის გარეთა ფენა, რომელიც მას ადვილად ეცლება. |
| 2. ლეგენდა | გარეული, მტაცებელი ცხოველი. |
| 3. მხეცი | გარეგნული მოხაზულობა, მოყვანილობა. |
| 4. ქერქი | ხალხური გადმოცემა, თქმულება. |

3 რომელია მსგავსი მნიშვნელობის სიტყვები.

- ა) ზოგი – ყველა. ბ) მსხვილი – სქელი. გ) წალმა – უკულმა.

4 რომელია ზედმეტი სიტყვა?

- ა) მინა. ბ) ნაყოფი. გ) ქერქი. დ) ფესვი.

გრამატიკა

1 სწორად დაწერე ფრჩხილებში ჩასმული სიტყვები.

- ბაობაბი ისხამს ნესვის (მსგავსი) ----- ნაყოფს.
- ბაობაბის ნაყოფი (ნესვი) ----- ჰგავს.

2 დაწერე ნიმუშის მიხედვით.

ნიმუში: მე მეგონება. შენ გეგონება.

- მე მაქვს. შენ -----.
- მე მერგო. შენ -----.



ბრამატიკა

3 სწორად შეარჩიე გამოტოვებული სიტყვა.

ბაობაბის ----- ამზადებენ ბადეს.

(ქერქისგან / ქერქიდან)

4 იპოვე შეცდომები და აღნიშნე X-ით.

☒ გავს.

☐ ჰგავს.

1. ☐ მოწონდა.

☐ მოსწონდა.

2. ☐ არაერთი ლეგენდები.

☐ არაერთი ლეგენდა.

3. ☐ მსგავსი.

☐ მზგავსი.

წერა

1 დაწერე ტექსტის მიხედვით, რა აქვთ საერთო ბაობაბის შესახებ არსებულ ლეგენდებს.

2 დაფიქრდი, რომელი ხე გიყვარს ყველაზე მეტად. აღწერე ეს ხე და ისაუბრე, როგორ იყენებს მას ადამიანი. გააფორმე შენი ნაწერი ნახატით.

